

দিঘলিয়া উপজেলা পরিষদের আগস্ট/২০২২ মাসের মাসিক সাধারণ সভার কার্যবিবরণী

(সভা নং-৮)

সভাপতি : শেখ মারুফুল ইসলাম
 চেয়ারম্যান, উপজেলা পরিষদ, দিঘলিয়া, খুলনা।
 তারিখ : ২৯ আগস্ট ২০২২, সোমবার
 সময় : বেলা ১২: ৩০ ঘটিকা
 স্থান : উপজেলা পরিষদ সম্মেলন কক্ষ।
 (উপস্থিত সদস্যবৃন্দের হাজিরা পৃথক রেজিস্টারে সংরক্ষিত)

সভার শুরুতে উপস্থিত সকলকে স্বাগত জানিয়ে সভার কাজ শুরু করা হয়। অতঃপর সভাপতি সভার আলোচ্যসূচি মোতাবেক সভা পরিচালনার জন্য উপজেলা নির্বাহী অফিসারকে অনুরোধ করেন। উপজেলা নির্বাহী অফিসার দিনের সভার আলোচ্যসূচি অনুযায়ী সভার কার্যক্রম শুরু করেন। সভায় নিম্নরূপ বিষয়ভিত্তিক আলোচনা এবং বিভিন্ন সিদ্ধান্ত গৃহীত হয়।

ক্রঃ	আলোচ্য সূচি	আলোচনা	সিদ্ধান্ত	বাস্তবায়ন
০১.	পূর্ববর্তী সভার কার্যবিবরণী পাঠ ও অনুমোদন	বিগত জুলাই ২০২২, মাসের সাধারণ সভার কার্যবিবরণী সভায় পাঠ করে শুনানো হয়। উক্ত কার্যবিবরণীরতে কোন সংশোধনী না থাকায় সর্বসম্মতভাবে অনুমোদিত হয়।	জুলাই ২০২২ মাসের উপজেলা পরিষদের মাসিক সাধারণ সভার কার্যবিবরণী সর্বসম্মতভাবে অনুমোদিত।	উপজেলা নির্বাহী অফিসার, দিঘলিয়া, খুলনা
০২.	স্থায়ী কমিটি সমূহের সভা	উপজেলা নির্বাহী অফিসার সভায় স্থায়ী কমিটির সভা নিয়মিত হচ্ছে কিনা জানতে চাইলে সংশ্লিষ্ট অফিস সহকারী জানান যে, ২০২২ মাসে ০৮ টি স্থায়ী কমিটির সভা অনুষ্ঠিত হয়েছে। এ বিষয়ে সভায় আলোচনা হয় এবং স্থায়ী কমিটির সদস্য-সচিবগণ ও উপজেলা পরিষদের ভাইস চেয়ারম্যানদ্বয়কে, যথাসময়ে সভা আহবানপূর্বক সভার কার্যবিবরণী প্রেরণের জন্য অনুরোধ করা হয়। এ বিষয়ে উপজেলা নির্বাহী অফিসার জানান, নিয়মিতভাবে স্থায়ী কমিটির সভা আহবান করতে হবে এবং মাসিক সাধারণ সভার কার্যবিবরণীতে অন্তর্ভুক্ত করার মত বিষয়টুকু গুছিয়ে এই কার্য বিবরণীর ফরমেটে সফট কপি ও হার্ড কপি দিতে হবে।	স্থায়ী কমিটির সদস্য-সচিবগণ ও উপজেলা পরিষদের ভাইস চেয়ারম্যানদ্বয় নির্দিষ্ট সময়ের মধ্যে স্থায়ী কমিটির সভার কার্যবিবরণী প্রেরণ করবেন মর্মে সিদ্ধান্ত গৃহীত হয়।	স্থায়ী কমিটির সদস্য-সচিবগণ ও উপজেলা পরিষদের ভাইস চেয়ারম্যান- দ্বয়
০৩	উপজেলা পরিষদের আয়-ব্যয়সংক্রান্ত	উপজেলা পরিষদের আয়-ব্যয় সংক্রান্ত হিসাব সভায় উপস্থাপন: জুলাই/২০২২ মাসে উপজেলা পরিষদ কর্তৃক আয় ও ব্যয়ের হিসাব সভায় উপস্থাপন করা হয়। সর্বমোট আয়- ১২,৪৮,৮৫৬/- মোট ব্যয়- ৫,৭২,৪৩০/-	উপজেলা পরিষদের আয় সংশ্লিষ্ট হিসাবে জমা নিশ্চিত করতে হবে। সংশ্লিষ্ট ক্যাশ বইসমূহ যথাযথীতি সংরক্ষণ করতে হবে।	চেয়ারম্যান উপজেলা পরিষদ ও উপজেলা নির্বাহী অফিসার এবং সংশ্লিষ্ট অফিস সহকারী
০৪	উপজেলা পল্লী উন্নয়ন কমিটি	সভায় উপজেলা পল্লী উন্নয়ন অফিসার জানান যে, বিআরডিবি সুফলভোগীদের ক্ষুদ্র ক্ষুদ্র সঞ্চয় জমার মাধ্যমে পুজি গঠন কার্যক্রম অব্যাহত আছে। এ পর্যন্ত পুজি গঠনের পরিমাণ ১২৫.০১ লক্ষ। দপ্তরের আওতাধীন বিভিন্ন প্রকল্পে ২০২২-২০২৩ অর্থবছরে ঋণ বিতরণ লক্ষমাত্রা ৪০১.৯৯ লক্ষ টাকা প্রায় যার ১০০% বিতরণ হবে মর্মে আশা পোষণ করেন। ইতোমধ্যে কোভিড-১৯ প্রণোদনা ঋণ বিতরণ ৬৬.৫০ লক্ষ টাকা যারা কিস্তি আদায়ের হার ১০০% এবং বিআরডিবি'র অন্যান্য প্রকল্প ও কর্মচারী মোট ৪১.৭৪ লক্ষ টাকা ঋণ বিতরণ করা হয়েছে চলতি অর্থ বছরের ১ মাসে ৩০.৭৪ লক্ষ আদায় করা হয়েছে। চলতি ঋণ আদায়ের হার ১০০%। মেয়াদউত্তীর্ণ খেলাপী ঋণ আদায়ে ইউএনও, মহোদয়, উপজেলা পরিষদ ও অফিসার	সভায় বিস্তারিত আলোচনান্তে বিআরডিবি'র সুফলভোগীদের প্রশিক্ষণউত্তর ক্ষুদ্র ক্ষুদ্র সঞ্চয় জমার মাধ্যমে পুজি গঠন ও ঋণ বিতরণ ও আদায় কার্যক্রম অব্যাহত রাখতে সংশ্লিষ্টদের সহযোগীতা	উপজেলা পল্লী উন্নয়ন অফিসার দিঘলিয়া, খুলনা

(Signature)

		ইনচার্জ এর নিকট হতে আন্তরিক সহযোগিতা পাওয়ায় তিনি আন্তরিক ধন্যবাদ জ্ঞাপন করেন।	প্রদানের সিদ্ধান্ত গৃহীত হয়।	
০৫	উপজেলা মুক্তিযোদ্ধা কমিটি	সভায় উপজেলা সমাজসেবা অফিসার জানান যে, মুক্তিযোদ্ধা যাচাই বাছাই কমিটি কর্তৃক বেসামরিক গেজেটভুক্ত বীর মুক্তিযোদ্ধাদের আবাসন নির্মাণ শীর্ষক প্রকল্প ১২টি আবাসন নির্মাণ কাজ প্রায় সম্পন্ন হয়েছে। টাইলস, রংসহ আনুষঙ্গিক কাজ দ্রুত সম্পন্ন করে ঘরগুলো হস্তান্তর করা প্রয়োজন।	সভায় বিস্তারিত আলোচনান্তে মুক্তিযোদ্ধাদের আবাসন নির্মাণকৃত ঘরগুলি দ্রুত হস্তান্তর করার সিদ্ধান্ত গৃহীত হয়।	উপজেলা ডেপুটি কমান্ডার ও উপজেলা সমাজসেবা অফিসার, দিঘলিয়া, খুলনা
০৬	উপজেলা মহিলা ও শিশু উন্নয়ন কমিটি	সভায় উপজেলা মহিলা বিষয়ক অফিসার জানান যে, অত্র দপ্তরের ভিজিডি খাদ্যশস্যের বরাদ্দ না থাকায় বিতরণ সম্ভব হচ্ছে না। জুলাই/২২ মাসে 'মহিলাদের আত্ম-কর্মসংস্থানের জন্য ক্ষুদ্রঋণ কার্যক্রম' এর আওতায় ২৩,৬৫০/ (তেইশ হাজার ছয় শত পঞ্চাশ) টাকা করা হয়েছে। আইজিএ প্রকল্পের প্রশিক্ষণ প্রকল্পের ১৬ তম এবং ১৭ তম ব্যাচের কার্যক্রম চলমান আছে। তিনি বলেন তার অফিসের এক কক্ষবিশিষ্ট অফিস ভবন এবং পতাকা উত্তোলনের বেদী নির্মাণ সম্পন্ন হয়েছে। তবে উক্ত কক্ষের বারান্দাসহ আরো কিছু সংস্কার কাজে বরাদ্দ প্রয়োজন। তিনি আরো বলেন তার অফিসের সামনের কিছুটা রাস্তায় ইটের সোলিং করা প্রয়োজন।	সভায় বিস্তারিত আলোচনান্তে চলমান সংকটকালীন সময়ে অত্র উপজেলার দুঃস্থ অসহায় নারীরা যাতে ভিজিডির খাদ্যশস্যের বরাদ্দ হতে বঞ্চিত না হয় সে দিকে লক্ষ্য রাখার সিদ্ধান্ত গৃহীত হয়।	উপজেলা মহিলা বিষয়ক অফিসার: দিঘলিয়া, খুলনা
০৭	উপজেলা যোগাযোগ ও ভৌত অবকাঠামো কমিটি	প্রস্তাব -১ সভায় উপজেলা প্রকৌশলী জানান যে, চলতি ২০২২-২৩ অর্থবছরে বার্ষিক উন্নয়ন কর্মসূচী (এডিপি) এর আওতায় প্রকল্পসমূহ বাস্তবায়নের জন্য ১ম কিস্তির বরাদ্দ পাওয়া গিয়েছে। উক্ত বরাদ্দ অনুযায়ী সম্ভাব্য ৪ কিস্তির অনুকূলে স্কীম গ্রহণ করা প্রয়োজন। প্রস্তাব-২ সভায় উপজেলা প্রকৌশলী জানান যে, চলতি ২০২২-২৩ অর্থবছরে উপজেলা উন্নয়ন তহবিল (ইউডিএফ) এর নির্বাচিত স্কীম সমূহের মধ্যে প্রকল্প কমিটির মাধ্যমে কাজ চলমান রয়েছে। অবশিষ্ট প্রকল্পগুলি টেন্ডারের মাধ্যমে বাস্তবায়ন করা হবে। প্রস্তাব-৩ সভায় উপজেলা প্রকৌশলী জানান যে, উপজেলা পরিচালন ও উন্নয়ন প্রকল্প জাইকা ২০২০-২১ এর আওতায় দিঘলিয়া উপজেলাধীন ০৩ (তিন) টি প্রকল্পসমূহের নির্মাণ কাজের ঠিকাদারদের অনুকূলে কার্যদেশ প্রদানের পর স্পেসিফিকেশন মোতাবেক কাজ সমাপ্ত করেছেন। সেসাথে কাজের বিল চেয়ে আবেদন করেছেন। উক্ত প্রকল্পসমূহের কার্যক্রম এর বিল প্রদানের বিষয় বিস্তারিত আলোচনা করা হয়। প্রকল্প নিম্নরূপ:- (ক) দিঘলিয়া ইউনিয়নের ৮ নং ওয়ার্ডের মানুষের জলাবদ্ধতা নিরসনের জন্য ব্রহ্মগাতি ফোরকানিয়া মাদ্রাসা হতে সাখাওয়াত শেখ এর বাড়ী অভিমুখে পাকা ড্রেন নির্মাণ। ঠিকাদার মেসার্স আকন ট্রেডার্স, পাথরঘাটা বরগুনা। (খ) আড়ংঘাটা ইউনিয়নের গাইকুড় ৯ নং ওয়ার্ডের মানুষের জলাবদ্ধতা নিরাসনের জন্য আলমগীর হোসেনের রাইচমিল হতে ভাঙ্গাবাড়ী অভিমুখে পাকা ড্রেন নির্মাণ। ঠিকাদার মেসার্স আকন ট্রেডার্স, পাথরঘাটা বরগুনা। (গ) দিঘলিয়া ইউনিয়নের দেয়াড়া পশ্চিম পাড়া ৫ নং ওয়ার্ডের জলাবদ্ধতা নিরসনের জন্য ইদ্রিস শেখ এর বাড়ী হতে সিদ্দিক শেখ এর বাড়ী হয়ে নদী অভিমুখে পাকা ড্রেন নির্মাণ। ঠিকাদার মেসার্স আকন ট্রেডার্স, পাথরঘাটা বরগুনা।	সভায় বিস্তারিত আলোচনান্তে ইউনিয়ন পরিষদ চেয়ারম্যান ও দপ্তর প্রধানকে নীতিমালা অনুযায়ী স্কীম দাখিলের জন্য পত্র দেওয়ার সিদ্ধান্ত হয়। উপজেলা উন্নয়ন তহবিলের অনুকূলে চলমান কাজ সমূহ যথা সময়ে সমাপ্ত করার সিদ্ধান্ত গৃহীত হয়। জাইকা এবং জিওবি এর অর্থায়নে উক্ত অবকাঠামো উন্নয়ন প্রকল্পসমূহের বিল প্রস্তুত পূর্বক প্রকল্প কার্যালয়ে বিল প্রদানের সিদ্ধান্ত গৃহীত হয়।	উপজেলা প্রকৌশলী দিঘলিয়া, খুলনা
০৮	উপজেলা কৃষি ও সচে কমিটি	সভায় উপজেলা কৃষি অফিসার জানান যে, বর্তমানে মাঠে আমন ধান ১৪০ হেঃ বীজতলা অর্জিত হয়েছে, এবার আমন ধানের লক্ষ্যমাত্রা ১৯৩০ হেক্টর। খরিপ-২ মৌসুমে জমিতে ২৫০ হেঃ সবজী আবাদ হয়েছে। ফসলের পোকা মাকড় ও রোগের প্রাদুর্ভাব ও প্রাকৃতিক দুর্যোগ না থাকায় বর্তমানে মাঠে সজীর অবস্থা খুব ভালো ও কৃষক আনন্দিত। তিনি বলেন দিঘলিয়া	সভায় বিস্তারিত আলোচনান্তে মাঠ পর্যায়ের কার্যক্রম যথাযথভাবে বাস্তবায়ন করার জন্য উপজেলা	উপজেলা কৃষি অফিসার, দিঘলিয়া, খুলনা

		<p>উপজেলায় খরিপ-১ মৌসুমে ২৫০ হেক্টর জমিতে বিভিন্ন প্রকার সবজি আবাদ নির্ধারন করা হয়েছে। এ মৌসুমে ৩০০ হেক্টর সজীর আবাদ হবে বলে উপজেলা কৃষি অফিসার সভাকে অবহিত করেন। বর্তমানে সারের মজুদ পরিস্থিতি ইউরিয়া ৩৫ মেঃটন, টিএসপি ১৬ মেঃটন, ডিএপি ৩০মেঃটন, এমওপি ০৪ মেঃটন যথা সন্তোষজনক। অত্র অঞ্চলে টুইকালের চাহিদা বৃদ্ধি পাওয়ায় এবং বাজারমূল্য বেশী থাকায় অত্র উপজেলায় কৃষকদের মাঝে টুইকালের চাষে ব্যাপক সাড়া পড়েছে। তিনি বলেন বর্তমান বর্ষা কম হওয়ায় রুপা আমন ধান কাটার কয়েকদিন আগে ধানের মধ্যে সরিষার বীজ ছিটিয়ে দিলে সেখানে বেশ সরিষা হবে। তিনি বলেন এক্ষেত্রে উপজেলা কৃষি অফিস থেকে সরিষার বীজ প্রদান করা হবে। তিনি বলেন তার দপ্তরের আওতাধীন কৃষি গোড়াউন এর মধ্যে দীর্ঘদিনের একটি শুকনা মরা আমগাছ আছে। জনস্বার্থে আমগাছটি দ্রুত কর্তন করা প্রয়োজন মর্মে তিনি সভাকে অবহিত করেন।</p>	<p>কৃষি অফিসারকে অনুরোধ করা হয়। এছাড়া টুইকাল চাষের জন্য উপজেলা পরিষদের এডিপি অথবা রাজস্ব তহবিল হতে অর্থ বরাদ্দ সাপেক্ষে পরবর্তী প্রয়োজনীয় ব্যবস্থা গ্রহণ করার সিদ্ধান্ত গৃহীত হয়।</p>	
০৯	উপজেলা মৎস্য ও প্রণিসম্পদ কমিটি	<p>সভায় উপজেলা মৎস্য অফিসার জানান যে, ২০২২-২৩ রাজস্ব অর্থায়নে উন্মুক্ত জলাশয়ে মাছের পোনা অবমুক্তির জন্য ৯০,০০০/- (নব্বই হাজার) টাকা বরাদ্দ পাওয়া গিয়েছে। ইতোমধ্যে সরকারী খামার হতে পোনা সরবরাহ সম্ভব নয় মর্মে খামার ব্যবস্থাপকগন অবহিত করেছেন। স্থানীয়ভাবে কোটেশনের মাধ্যমে পোনা ক্রয় করা হবে। তিনি বলেন ইলিশ সম্পদ উন্নয়ন ও ব্যবস্থাপনা প্রকল্পের আওতায় ২০ টি জেলে পরিবারকে বিকল্প কর্মসংস্থান উপকরণ প্রদানের প্রশাসনিক আদেশ পাওয়া গিয়েছে। ইতোমধ্যে ইলিশ জেলে অধ্যুসিত এলাকার ইউপি চেয়ারম্যানগন উপজেলা পরিষদের চেয়ারম্যান ও ভাইস চেয়ারম্যানগ ও এমপি মহোদয়ের প্রতিনিধির মাধ্যমে জেলেদের তালিকা যাচাই-বাছাইয়ান্তে চূড়ান্ত করা হয়েছে। তিনি আরো বলেন উপজেলার বিভিন্ন উন্মুক্ত নদী, খাল, বিলে অবৈধ বাঁধ পাটা উচ্ছেদে অভিযান ও মোবাইলকোর্ট পরিচালনা করা হচ্ছে। উক্ত কার্যক্রম অব্যাহত থাকবে।</p>	<p>সভায় এ বিষয়ে বিস্তারিত আলোচনান্তে সরকারী নীতিমালা অনুযায়ী মৎস্য পোনা ক্রয় এবং ইলিশ সম্পদ উন্নয়ন ও ব্যবস্থাপনায় জেলে পরিবারকে বিকল্প কর্মসংস্থান উপকরণ যথাযথ নিয়মে বিতারণ করার সিদ্ধান্ত গৃহীত হয়।</p>	উপজেলা সিনিয়র মৎস্য কর্মকর্তা, দিঘলিয়া, খুলনা
১০	উপজেলা জনস্বাস্থ্য কমিটি	<p>সভায় উপজেলা উপ-সহকারী প্রকৌশলী জনস্বাস্থ্য অফিসার জানান যে, বর্তমান ২০২২-২৩ অর্থবছরে PSWSC প্রকল্পের আওতায় ১৫৬ টি গভীর নলকূপ বরাদ্দ পাওয়া যায়। উক্ত বরাদ্দের অনুকূলে নীতিমালা অনুযায়ী সমস্ত স্থান তালিকা চূড়ান্ত করা হবে। মুজিব শতবর্ষ উপলক্ষে ভূমিহীন ও গৃহহীন (আশ্রয়ন প্রকল্পে) পরিবারের জন্য ১৪ টি গভীর নলকূপ স্থাপন কাজ চলমান আছে। এছাড়া প্রাথমিক বিদ্যালয়ে ০৩ টি ওয়াশরুম নির্মাণ, ০৯ টি TSP এবং ২ টি স্কুলে অগভীর নলকূপ স্থাপন কাজ চলমান আছে।</p>	<p>সভায় বিস্তারিত আলোচনান্তে নীতিমালা অনুযায়ী সমস্ত স্থান তালিকা চূড়ান্ত করে কাজ যথাযথ নিয়ম অনুযায়ী গভীর নলকূপ স্থাপন করার সিদ্ধান্ত গৃহীত হয়।</p>	উপজেলা উপ-সহকারী প্রকৌশলী, জনস্বাস্থ্য, দিঘলিয়া, খুলনা
১১	উপজেলা মাধ্যমিক ও মাদ্রাসা শিক্ষা কমিটি	<p>সভায় উপজেলা মাধ্যমিক শিক্ষা অফিসার জানান যে, আগামী ২০২৩ শিক্ষাবর্ষে নতুন কারিকুলামে ৬ষ্ঠ ও ৭ম শ্রেণির শিক্ষা কার্যক্রম পরিচালিত হবে। আগামী সপ্তাহ ৩৯ তম জাতীয় স্কুল, মাদ্রাসা ও কারিগরি শিক্ষা ক্রীড়া সমিতির গ্রীষ্মকালীন ক্রীড়া প্রতিযোগিতা অনুষ্ঠিত হবে, এই ক্রীড়া প্রতিযোগিতায় সকলের সহযোগিতা কামনা করেন। তিনি আরো বলেন আগামী ১৫ই সেপ্টেম্বর থেকে এস এস সি পরীক্ষা অনুষ্ঠিত হবে, পরীক্ষা যাহাতে সুষ্ঠু ও সুন্দরভাবে সম্পন্ন হয় সে জন্য সকলের সহযোগিতা কামনা করেন।</p>	<p>সভায় বিস্তারিত আলোচনান্তে সরকারী বিধি মোতাবেক দাপ্তরিক কার্য পরিচালনাসহ আসন্ন এস এস সি পরীক্ষা যাতে সুষ্ঠু ও সুন্দর পরিবেশে সম্পূর্ণ হয় সে বিষয়ে সকলে সহযোগিতা করার সিদ্ধান্ত গৃহীত হয়।</p>	উপজেলা মাধ্যমিক শিক্ষা অফিসার, দিঘলিয়া, খুলনা
১২	উপজেলা প্রাথমিক ও গনশিক্ষা কমিটি	<p>সভায় উপজেলা সহকারী প্রাথমিক শিক্ষা অফিসার জানান যে, জেলা পরিষদের অর্থায়নে ৫ নং পানিগাতী সরকারী প্রাথমিক বিদ্যালয়ে শহীদ মিনার কাম সাংস্কৃতি মঞ্চ নির্মাণের জন্য দুই দফায় ০৩ লক্ষ টাকা বরাদ্দের পরিপ্রেক্ষিতে নির্মাণকাজ আংশিক হয়ে দীর্ঘদিন পড়ে থাকায় এবং কলামের রড এলোমেলো অবস্থায় থাকায় শিশুদের চলাফেরা ও খেলাধুলায়</p>	<p>সভায় বিস্তারিত আলোচনান্তে নির্মাণাধীন প্রকল্পটি উক্ত কমিটি সরেজমিনে পরিদর্শনপূর্বক আগামী</p>	উপজেলা প্রাথমিক শিক্ষা অফিসার দিঘলিয়া, খুলনা

		<p>অসুবিধাসহ দুর্ঘটনার আশংকা করা হচ্ছে। কাজটির বর্তমান অবস্থা সরেজমিনে তদন্ত করে মতামত প্রদানের জন্য ০৩ (তিন) সদস্য কমিটি গঠন করা হলো। যা নিম্নরূপ:-</p> <p>০১। জনাব আবু তারেক সাইফুল কামাল, উপজেলা প্রকৌশলী</p> <p>০২। জনাব মোঃ আরিফ হোসেন, উপজেলা প্রকল্প বাস্তবায়ন কর্মকর্তা</p> <p>০৩। জনাব মোঃ মোস্তাফিজুর রহমান, উপ-সহকারী প্রকৌশলী, জনস্বাস্থ্য</p>	<p>০৭ (সাত) কার্য দিবসের মধ্যে প্রতিবেদন দাখিল করার সিদ্ধান্ত গৃহীত হয়।</p>	
১৩	বিবিধি আলোচনা। উপজেলা স্বাস্থ্য ও পরিবার পরিকল্পনা দপ্তর	<p>সভায় উপজেলা স্বাস্থ্য ও পরিবার পরিকল্পনা অফিসার জানান যে, সামনের মাসে সাধারণত কুকুরে কামড়ানো রোগী বেশি হবে সেক্ষেত্রে ভ্যাকসিন প্রয়োজন হবে। সেটি যাতে সবসময় প্রদান করা সম্ভব হয় সে জন্য তিনি সভাকে অবহিত করেন। তিনি আরো বলেন তার কমপ্লেক্সটির বিভিন্ন ছাদ, ভীমসহ বিভিন্ন স্থান থেকে ভেঙ্গে ভেঙ্গে পরছে। এ বিষয়ে তিনি তার দপ্তরের উর্দ্ধতন কর্মকর্তাকে লিখিত ও মৌখিক ভাবে অবহিত করেছেন।</p>	<p>সভায় এ বিষয়ে বিস্তারিত আলোচনান্তে কুকুরে কামড়ানো রোগীর ভ্যাকসিন সব সময় প্রদানসহ কমপ্লেক্সের এর বিষয়টি নিয়ে তার দপ্তরের উর্দ্ধতন কর্মকর্তার সাথে আরো সক্রিয় ভাবে আলোচনা করার সিদ্ধান্ত গৃহীত হয়।</p>	<p>উপজেলা স্বাস্থ্য ও পরিবার পরিকল্পনা অফিসার, সকল দিঘলিয়া, খুলনা</p>
১৪	উপজেলা যুব উন্নয়ন দপ্তর	<p>সভায় উপজেলা যুব উন্নয়ন অফিসার জানান যে, ২০২২-২৩ অর্থবছরে রাজস্ব খাতের ১৪ টি ব্যাচের ড্রাম্যাগ প্রশিক্ষণ কার্যক্রম স্বাস্থ্যবিধি মেনে পরিচালনার জন্য নির্দেশনা পাওয়া গিয়াছে এবং বছরে প্রশিক্ষণের লক্ষ্য মাত্রা ৪২০ জন। নীতিমালা অনুযায়ী ১৪ টি ব্যাচের মোট ৪২০ জন যুব ও যুব মহিলাদেরকে বিভিন্ন ট্রেডে প্রশিক্ষণ সম্পন্ন করা হবে। এখন পর্যন্ত প্রশিক্ষণ খাতের বাজেট পাওয়া যায়নি, বাজেট প্রাপ্তি সাপেক্ষে প্রশিক্ষণ শুরু করা হবে। যুব ঋণ বিতরণের লক্ষ্য মাত্রা বছরে ৪৯,১০,০০০/- টাকা দেওয়া হয়েছে। লক্ষ্যমাত্রা অনুযায়ী ১৫ ই আগস্ট জাতীয় পিতা বঙ্গবন্ধু শেখ মুজিবুর রহমান এর শাহাদত বার্ষিকী উপলক্ষে চলতি মাসে ৩,২০,০০০/- টাকা যুব ও যুব মহিলা সদস্যদের মাঝে যুব ঋণের চেক বিতরণ করা হয়েছে। তিনি বলেন জাতীয় যুব কাউন্সিল বিধিমালা ২০২১ অনুযায়ী ২০২৩ থেকে ২০২৪ মেয়াদের জন্য জাতীয় যুব কাউন্সিল গঠন করা হবে। জাতীয় যুব কাউন্সিলের সদস্য নির্বাচনের জন্য নির্ধারিত ফরমে আবেদন আহবান করা হয়েছে। যুব উন্নয়ন অধিদপ্তরের ওয়েব সাইট (www.dyd.gov.bd) এ পাওয়া যাবে নির্ধারিত ফরমে আবেদনের শেষ তারিখ ৩১/০৮/২০২২ খ্রি: তারিখ বিকাল ৫.০০ ঘটিকার মধ্যে উপজেলা যুব উন্নয়ন কর্মকর্তার কার্যালয়ে দাখিল করতে হবে।</p>	<p>সভায় বিস্তারিত আলোচনান্তে ১৫ আগস্ট জাতীয় পিতা বঙ্গবন্ধু শেখ মুজিবুর রহমান এর শাহাদত বার্ষিকীতে ৩,২০,০০০/- (তিন লক্ষ বিশ হাজার) টাকা যুব ঋণের চেক সুষ্ঠুভাবে বিতরণ করা হয়েছে। এছাড়া জাতীয় যুব কাউন্সিলের সদস্য নির্বাচনের যে সমস্ত প্রার্থীরা আবেদন করতে ইচ্ছুক তারা যুব উন্নয়ন অধিদপ্তরের ওয়েব সাইট (www.dyd.gov.bd) ঠিকানায় প্রবেশের মাধ্যমে ফরম পূরণ পূর্বক ৩১/০৮/২০২২ খ্রি: তারিখ বিকাল ৫.০০ ঘটিকার মধ্যে উপজেলা যুব উন্নয়ন কর্মকর্তার কার্যালয়ে জমা দেওয়ার সিদ্ধান্ত গৃহীত হয়।</p>	<p>উপজেলা যুব উন্নয়ন অফিসার দিঘলিয়া, খুলনা</p>
১৫	উপজেলা সাব রেজিস্ট্রার	<p>সভায় উপজেলা সাব রেজিস্ট্রার জানান যে, দিঘলিয়া সাব রেজিস্ট্রার অফিসটি বর্তমান পুরাতন কোর্ট বিল্ডিংএ অবস্থিত। বিল্ডিংটি অত্যন্ত জরাজীর্ণ ও ঝুঁকিপূর্ণ হওয়ায় অতি দ্রুত সাব রেজিস্ট্রার অফিসের কার্যক্রম অন্যত্র স্থানান্তর করা প্রয়োজন, বিল্ডিংটি বহু আগেই পরিত্যক্ত হয়েছে এবং সেবাগ্রহীতা ও সেবাদানকারী উভয়ের জীবনের নিরাপত্তার স্বার্থে আগেই উপজেলা পরিষদ থেকে পত্র প্রেরণ করা হয়েছে। এবিষয়টি উর্দ্ধতন কর্তৃপক্ষকে অবহিত করার পর কর্তৃপক্ষ পরিষদ সংলগ্ন সাব রেজিস্ট্রার নতুন</p>	<p>সভায় বিস্তারিত আলোচনান্তে পরিষদ সংলগ্ন জমি অধিগ্রহণের বিষয়ে সাব রেজিস্ট্রারকে সহযোগীতা করা এবং আপাতত অফিসের কার্যক্রম দিঘলিয়া</p>	<p>উপজেলা সাব রেজিস্ট্রার, দিঘলিয়া, খুলনা</p>

		ভবন নির্মাণের জন্য ৩৩ শতক জমি অধিগ্রহণের ক্ষেত্রে উপজেলা পরিষদের মাসিক সভার রেজুলেশনের মাধ্যমে প্রস্তাব প্রেরণের জন্য জানিয়েছেন। তৎপ্রেক্ষিতে বিষয়টি সভায় উপস্থাপন করা হলো।	ইউনিয়ন পরিষদের পুরাতন ভবন বা অন্য কোন স্থানে দ্রুত সরিয়ে নেওয়ার প্রস্তাব প্রেরণের সিদ্ধান্ত গৃহীত হয়।	
১৬	উপজেলা প্রাণি সম্পদ দপ্তর	সভায় উপজেলা প্রাণি সম্পদ অফিসার জানান যে, সমগ্র বাংলাদেশে ৩৬০ টি গাড়ী প্রায় প্রতিটি উপজেলা প্রাণি সম্পদ অফিসারকে প্রদান করা হয়েছে। সে ক্ষেত্রে দিঘলিয়া উপজেলার প্রাণি সম্পদ অফিসে ও একটি গাড়ি পাওয়া গিয়েছে। উক্ত গাড়িটি রাখার জন্য তিনি তার অফিস সংলগ্ন একটি গ্যারেজ নির্মাণের প্রস্তাব করেন।	সভায় বিস্তারিত আলোচনান্তে উপজেলা পরিষদ থেকে প্রয়োজনীয় অর্থ বরাদ্দ স্বাপক্ষে পরবর্তী প্রয়োজনীয় ব্যবস্থা গ্রহণ করার সিদ্ধান্ত গৃহীত হয়।	উপজেলা প্রকৌশলী, দিঘলিয়া খুলনা
১৭	স্থানীয় সরকার প্রকৌশল অধিদপ্তর (এলজিইডি)	সভায় উপজেলা প্রকৌশলী জানান যে, স্থানীয় সরকার বিভাগের স্মারক নং ৪৬.০৪৫.০২২.১০.০১.০০১-১০৫৮ তারিখ ২৩/০৯/২০১৮ মোতাবেক উপজেলা পরিষদের ভিতরে আবাসিক ০৬ টি ভবনের মেরামতের জন্য প্রাক্কলন প্রস্তুত করে সভায় উপস্থাপন করেন যা নিম্নরূপ। ১। দিঘলিয়া উপজেলা পরিষদের আওতায় দিঘলিয়া উপজেলা কমপ্লেক্সের ভিতর গেজেটেড কোয়ার্টার (মধুমিতা) বাস ভবনটি মেরামত প্রকল্প যার টাকার পরিমাণ=৬,০৯,৫৪৮/- ২। দিঘলিয়া উপজেলা পরিষদের আওতায় দিঘলিয়া উপজেলা কমপ্লেক্সের ভিতর ১নং নন-গেজেটেড কোয়ার্টার (বনলতা) মেরামত প্রকল্প যার টাকার পরিমাণ=৭,৫৬,৩৫১/-, ৩। দিঘলিয়া উপজেলা পরিষদের আওতায় দিঘলিয়া উপজেলা কমপ্লেক্সের ভিতর ২নং নন-গেজেটেড কোয়ার্টার (বনছায়া) মেরামত প্রকল্প যার টাকার পরিমাণ=৭,৬০,৭২৮/-, ৪। দিঘলিয়া উপজেলা পরিষদের আওতায় দিঘলিয়া উপজেলা কমপ্লেক্সের ভিতর ১ নং টুইন কোয়ার্টার (মালতী) মেরামত প্রকল্প যার টাকার পরিমাণ=২,৯৪,১৪৯/-, ৫। দিঘলিয়া উপজেলা পরিষদের আওতায় দিঘলিয়া উপজেলা কমপ্লেক্সের ভিতর ২নং টুইন কোয়ার্টার (মালতী) মেরামত প্রকল্প যার টাকার পরিমাণ=২,৯৪,৮৬৩/-, ৬। দিঘলিয়া উপজেলা পরিষদের আওতায় দিঘলিয়া উপজেলা কমপ্লেক্সের ভিতর ডরমেটরী ভবন মেরামত প্রকল্প যার টাকার পরিমাণ=৩,৯৩,১০৫/- সর্ব মোট টাকার পরিমাণ =৩১,০৮,৭৪৪/-(একত্রিশ লক্ষ আট হাজার সাতশত চুয়াল্লিশ) টাকা।	সভায় এ ব্যাপারে বিস্তারিত আলোচনা করা হয়। অতঃপর চলতি অর্থ বছরে প্রকল্পগুলি যাতে বাস্তবায়ন করা যায় তজ্জন্য উপস্থাপিত প্রাক্কলন অত্র সভায় অনুমোদন সহ নির্বাহী প্রকৌশলী, এলজিইডি, খুলনা বরাবর প্রেরণ পূর্বক প্রাক্কলনে প্রতিস্বাক্ষর গ্রহণ করতঃ সচিব, স্থানীয় সরকার বিভাগ, উপজেলা-২ শাখায় প্রেরণের সর্বসম্মত সিদ্ধান্ত গৃহীত হয়।	উপজেলা প্রকৌশলী, দিঘলিয়া, খুলনা
১৮	চেয়ারম্যান দিঘলিয়া ইউপি	সভায় চেয়ারম্যান দিঘলিয়া ইউপি জানান যে, রেশন কার্ডের ব্যাপারে তার ইউনিয়নে যে সমস্যার সৃষ্টি হয়েছিল তার সমাধান হয়েছে। কার্ড পাওয়ার যোগ্য প্রকৃত অসহায় লোক যদি বাদ পড়ে তার বিষয়টি পুনরায় বিবেচনা করা হবে। তিনি আরো বলেন দিঘলিয়ায় ৬৫ টি ভূমিহীন পরিবারকে পুনর্বাসনের জন্য দুটি স্থানে ১.৬৮ একর জমি ক্রয় করা হয়েছে। দিঘলিয়া ইউনিয়নকে ভূমিহীন মুক্ত ঘোষণা করার লক্ষে অবশিষ্ট ঘর নির্মাণের উপযুক্ত আরো প্রায় ১ (এক) একর উটু জমি ক্রয় করা প্রয়োজন। এছাড়া দিঘলিয়াকে গৃহহীন ভূমিহীন মুক্ত ঘোষণা করার লক্ষে নতুন করে যে সকল ভূমিহীনদের নাম চূড়ান্ত করে প্রেরণ করা হয়েছে। তাদের বাসস্থান নির্মাণের জন্য উপযুক্ত খাসজমি ভরাত করার পাশাপাশি এখনই ঘর নির্মাণের উপযুক্ত জমি ক্রয় করতে হবে।	সভায় বিস্তারিত আলোচনান্তে রেশন কার্ড বিতারণ নীতিমালা অনুযায়ী বাস্তবায়ন করা সহ দিঘলিয়া ইউনিয়নকে ভূমিহীন মুক্ত ঘোষণা করার লক্ষে আরো কিছু জমি ক্রয় করার সিদ্ধান্ত গৃহীত হয়।	উপজেলা খাদ্য নিয়ন্ত্রক দিঘলিয়া, খুলনা
১৯	চেয়ারম্যান যোগীপোল ইউপি	সভায় চেয়ারম্যান আড়ংঘাটা ইউপি জানান যে, তার ইউনিয়ন থেকে ভূমিহীনদের তালিকা প্রেরণ করা হয়েছে। এ সমস্ত ভূমিহীনদের জন্য ঘর নির্মাণের ক্ষেত্রে তার ইউনিয়নের মধ্যে সরকারী ভাবে জমি ক্রয় করে	সভায় বিস্তারিত আলোচনান্তে ভূমিহীনদের ঘর	চেয়ারম্যান যোগীপোল ইউনিয়ন

		তাদের ঘর নির্মাণের কথা বলেন। তিনি আরো বলেন তার ইউনিয়নে কমিউনিটি ক্লিনিক স্থাপনের জন্য খাস জমি না পাওয়া গেলে তিনি নিজস্ব অর্থায়নে জমি ক্রয় করে সেই জমি তিনি কমিউনিটি ক্লিনিক স্থাপনের জন্য দান করবেন। তিনি আরো বলেন তার ইউনিয়নের কুয়েট গেটের সামনে একটি ক্লিনিক রয়েছে। তাদের বাউন্ডারী ওয়াল নির্মাণ করা নিয়ে কেডিএ এর সাথে ঝামেলা সৃষ্টি হয়েছিল। তিনি এ ব্যাপারে উপজেলা থেকে কেডিএকে একটি পত্র প্রেরণের জন্য সভাকে অবহিত করেন।	নির্মাণের ক্ষেত্রে জমি ক্রয়ের প্রস্তাব প্রেরনসহ কমিউনিটি ক্লিনিক স্থাপনের জন্য দ্রুত জমি ক্রয় করে সেটি স্বাস্থ্য অধিদপ্তরের নামে দলিল করে দিলে পরবর্তী প্রয়োজনীয় ব্যবস্থা দ্রুত গ্রহন করার সিদ্ধান্ত গৃহীত হয়।	পরিষদ, দিঘলিয়া, খুলনা
২০	চেয়ারম্যান গাজীরহাট ইউপি	সভায় গাজীরহাট ইউপি চেয়ারম্যান জানান যে, তার ইউনিয়ন সহ বিভিন্ন ইউনিয়নে গ্রাম পুলিশের কয়েকটি পোস্ট দীর্ঘ দিন যাবত খালি থাকার তাদের দাপ্তরিক বিভিন্ন কর্মকান্ড পরিচালনা ব্যহত হচ্ছে। সে কারণে তিনি তার ইউনিয়নসহ যে সমস্ত ইউনিয়নে গ্রাম পুলিশের পোস্ট খালি রয়েছে সেখানে নিয়োগের ব্যবস্থা গ্রহনের জন্য সভায় অনুরোধ জানান।	সভায় বিস্তারিত আলোচনান্তে যে সকল ইউনিয়নে গ্রাম পুলিশের পোস্ট খালি রয়েছে সে সমস্ত ইউনিয়নে গ্রাম পুলিশ নিয়োগ করার সিদ্ধান্ত গৃহীত হয়।	উপজেলা নির্বাহী অফিসার, দিঘলিয়া, খুলনা
২১	ভাইস চেয়ারম্যান (মহিলা) উপজেলা পরিষদ, দিঘলিয়া, খুলনা।	সভায় ভাইস চেয়ারম্যান (মহিলা) জানান যে, দীর্ঘদিন পূর্বে এ উপজেলায় একটি শিল্পকলা কমিটির কার্যক্রম দৃশ্যমান ছিল। এটা আবার পুনরায় বাস্তবায়ন করা সহ উপজেলা পরিষদের থেকে যে কোন একটি রুম বরাদ্দের জন্য সভায় মত প্রকাশ করেন।	সভায় বিস্তারিত আলোচনান্তে উপজেলা শিল্পকলা একাডেমি কার্যক্রম পরিচালনার জন্য পরিষদের খালি রুম পাওয়া স্বাপেক্ষে পরবর্তী প্রয়োজনীয় ব্যবস্থা গ্রহণ করার সিদ্ধান্ত গৃহীত হয়।	উপজেলা প্রকৌশলী দিঘলিয়া, খুলনা
২২	উপজেলা নির্বাহী অফিসার, দিঘলিয়া, খুলনা।	সভায় উপজেলা নির্বাহী অফিসার জানান যে, আশ্রয়ন প্রকল্পের ঘর যাদের নামে বরাদ্দ দেওয়া হয়েছিল তারা যদি ঘরে নিয়মিত বসবাস না করে তাহলে তাদের নামের ঘরের বরাদ্দ বাতিল করে প্রকৃত পক্ষে যারা আশ্রয়নের ঘরে থাকতে ইচ্ছুক তাদের নামে নতুন করে বরাদ্দ দেয়া যেতে পারে মর্মে অভিমত ব্যক্ত করেন। এছাড়া দিঘলিয়াকে গৃহহীন ভূমিহীন মুক্ত ঘোষনা করার লক্ষ্যে নতুন করে ২৩৫ জন ভূমিহীনের নামের তালিকা উপজেলা আশ্রয়ন টাঙ্কফোর্স কমিটি কতৃক যাচাই বাছাই সম্পন্ন করে প্রধানমন্ত্রীর কার্যালয়ের আশ্রয়ন-২ প্রকল্পে প্রেরণ করা হয়েছে। তাদের বাসস্থান নির্মাণের জন্য উপযুক্ত খাসজমি ভরাট করার পাশাপাশি এখনই ঘর নির্মাণের উপযুক্ত জমি ক্রয় করার নির্দেশনা পাওয়া গিয়েছে। যে সকল ইউনিয়নে ঘর প্রদান করতে হবে সে সব স্থানে উপজেলা জমি ক্রয় কমিটিকে জমি নির্বাচন ও ক্রয়ের ক্ষেত্রে সার্বিক সহায়তা প্রদান করতে সংশ্লিষ্ট সকলের প্রতি অনুরোধ জানানো হয়। তিনি আরো বলেন দিঘলিয়ার বিভিন্ন বাজারে নতুন চান্দিনা নির্মাণ করতে গিয়ে পুরনো চান্দিনার কিছু লোহার এ্যাঞ্জেল, কাঠ প্রভৃতি মালামাল উপজেলা পরিষদে এনে রাখা হয়েছে। আরো কিছু পুরনো চান্দিনা বাজারে রয়ে গেছে। সে গুলো বিধিমাফিক অপসারণ করা প্রয়োজন। হয়েছে। এছাড়া কনফারেন্স রুমের প্রজেক্টর নষ্ট হয়ে থাকায় জরুরী ভিত্তিতে নতুন প্রজেক্টর স্থাপন করা প্রয়োজন। তিনি আরো বলেন যে, তার দপ্তরে কর্মরত অফিস সহকারী কাম-কম্পিউটার মুদ্রাক্ষরিক এর বসার জন্য একটি টেবিল ও একটি চেয়ার ক্রয় করা প্রয়োজন।	সভায় বিস্তারিত আলোচনান্তে যারা আশ্রয়ন প্রকল্পের নির্মিত ঘরে নিয়মিত বসবাস করেন না তাদের নামের বরাদ্দ বাতিল করে যারা আশ্রয়ন প্রকল্পের ঘরে নিয়মিত বসবাস করতে ইচ্ছুক তাদেরকে নতুন করে ঘরের বরাদ্দ প্রদান, নতুন ঘরের জন্য জমি ক্রয় ও খাস জমিতে বালু ভরাটের প্রস্তাব প্রেরণসহ পুরানো চান্দিনার মালামাল বিধিমাফিক অপসারণ, কনফারেন্স রুমের প্রজেক্টরটি দ্রুত ক্রয় করা এবং একটি টেবিল ও একটি চেয়ার রাজস্ব	চেয়ারম্যান উপজেলা পরিষদ, উপজেলা নির্বাহী অফিসার, এবং উপজেলা প্রকৌশলী দিঘলিয়া, খুলনা।

		কম্পিউটার মুদ্রাক্ষরিক এর বসার জন্য একটি টেবিল ও একটি চেয়ার ক্রয় করা প্রয়োজন।	তহবিল হতে ক্রয় করার সিদ্ধান্ত গৃহীত হয়।	
২৩	চেয়ারম্যান উপজেলা পরিষদ, দিঘলিয়া, খুলনা।	সভায় চেয়ারম্যান, উপজেলা পরিষদ জানান যে, ফাতেমা মেমোরিয়াল মাধ্যমিক বিদ্যালয়ের সামনে, গোয়ালপাড়া বড় পুকুর পাড়ে, কামারগাতি, আড়ুয়া রাস্তাসহ বিভিন্ন রাস্তার পাশে মরা/ঝুঁকিপূর্ণ গাছগুলি বিধি মাফিক প্রাক্কলন তৈরী করে সেটি অনুমোদনের জন্য জেলা প্রশাসকের কার্যালয়ে প্রেরণের জন্য উপজেলা বন অফিসারকে প্রয়োজনীয় ব্যবস্থা গ্রহণের জন্য অনুরোধ করেন। এছাড়া নগরঘাট থেকে দিঘলিয়া ইউনিয়ন পরিষদ পর্যন্ত রাস্তার পাশের কিছু গাছ অধিগ্রহণের আওতাভুক্ত হয়েছে। আরো কিছু গাছ ঝুঁকিপূর্ণ অবস্থায় থাকায় পার্শ্ববর্তী বাড়ীর মালিকগন ঝুঁকিপূর্ণ গাছগুলি কর্তনের আবেদন জানিয়েছেন। পাশাপাশি প্রাথমিক শিক্ষা অফিসের নতুন ভবন নির্মানের স্থানে কয়েকটি গাছ অপসারণ করা প্রয়োজন। তিনি আরো বলেন অফিসের দোতলার ফ্লোরে টাইলস স্থাপন, মালতী কোয়ার্টার ও গেজেটেড কোয়ার্টার মেরামতসহ রংকরা, প্রাণিসম্পদ কর্মকর্তার জন্য গ্যারেজ নির্মাণ, ট্রান শাখার জন্য একটি গোড়াউন নির্মাণ এবং উপজেলা নির্বাচন অফিস ও এসিল্যান্ড অফিসের জন্য একটি সাইকেল শেড নির্মাণ করা প্রয়োজন। এছাড়া পরিষদের সিসি ক্যামেরার হার্ড ডিস্ক পরিবর্তন করাসহ কয়েকটি দপ্তরে নতুন ক্যামেরা স্থাপন করতে হবে। তিনি আরো বলেন বারাকপুর ইউনিয়নের বোয়ালির চর এর রিং রাস্তার ভেড়ী বাঁধ ভেঙ্গে যাওয়ার উপক্রম হয়েছে। উক্ত রিং রাস্তার ভেড়ীবাঁধ রক্ষার্থে দ্রুত বাঁধ দেওয়া প্রয়োজন।	সভায় বিস্তারিত আলোচনান্তে বর্ণিত গাছসমূহ বিধি মাফিক অপসারণের প্রস্তাব প্রেরণসহ দোতলার ফ্লোরের টাইলস বসানো, কোয়ার্টার মেরামত, গোড়াউন ও গ্যারেজ পর্যায়ক্রমে নির্মাণ করা এবং সিসি ক্যামেরা স্থাপন ও মেরামত করা এবং উক্ত স্থানের ভেড়ীবাঁধ রক্ষার্থে অত্যাবশ্যকীয় স্থাপনার জরুরী বিবেচনায় রাজস্ব তহবিলের অপ্রত্যাশিত খাত হতে নির্মাণ ব্যয় নির্বাহ করার সিদ্ধান্ত গৃহীত হয়।	চেয়ারম্যান, উপজেলা পরিষদ, উপজেলা নির্বাহী অফিসার ও উপজেলা প্রকৌশলী, দিঘলিয়া, খুলনা

জুলাই/ ২০২২ মাসে উপজেলা পরিষদ রাজস্ব তহবিল হতে ব্যয়ের বিস্তারিত বিবরণ

মাসের নাম	ব্যয়ের বিবরণ	মোট ব্যয়
	<p>০১। উপজেলা পরিষদের এক মাসের আপ্যায়ন বাবদ = ৩০,০০০/-</p> <p>০২। উপজেলা পরিষদের এক মাসের আনুষঙ্গিক ব্যয় বাবদ = ৫০০০/-</p> <p>০৩। উপজেলা পরিষদের কমিটির সভা পরিচালনা ব্যয় বাবদ = ৮০০০/-</p> <p>০৪। চেয়ারম্যান, মহোদয়ের জুলাই/২০২২ মাসের সম্মানী ও বাড়ীভাড়া = ৪৫,০০০/-</p> <p>০৫। ভাইস চেয়ারম্যানের জুলাই/২০২২ মাসের সম্মানী = ২৭,০০০/-</p> <p>০৬। মহিলা ভাইস চেয়ারম্যানের জুলাই/২০২২ মাসের সম্মানী = ২৭,০০০/-</p> <p>০৭। জনাব টিমলা দাস, পরিচ্ছন্নতাকর্মী এর জুলাই/২০২২ মাসের দৈনিক ভাতা বাবদ = ১২,১০০/-</p> <p>০৮। জনাব লিয়াকত আলী খান, মালী এর জুলাই/২০২২ মাসের দৈনিক মজুরী ভাতা বাবদ = ১২,৬৫০/-</p> <p>০৯। চেয়ারম্যান উপজেলা পরিষদ, দিঘলিয়া খুলনা এর জুলাই/২০২২ মাসের ভ্রমণ বিল বাবদ ১০,১৯৫/-</p> <p>১০। ভাইস চেয়ারম্যান উপজেলা পরিষদ, দিঘলিয়া, খুলনা এর জুলাই/২০২২ মাসের ভ্রমণ বিল বাবদ = ৬,০০০/-</p> <p>১১। ভাইস চেয়ারম্যান মহিলা উপজেলা পরিষদ, দিঘলিয়া, খুলনা এর জুলাই/২০২২ মাস ভ্রমণ বিল বাবদ = ৬,০০০/-</p> <p>১২। উপ-সহকারী প্রকৌশলী জনস্বাস্থ্য, দিঘলিয়া খুলনা এর নামে উপজেলা পরিষদের অভ্যন্তরে গভীর নলকূপ স্থাপন এর বিল বাবদ = ১৫০০০/-</p> <p>১৩। মোঃ হাফিজুর রহমান এর নামে উপজেলা পরিষদের বিদ্যুৎ বিল জুলাই/২২ মাসের = ১৬,৬৮০/-</p> <p>১৪। খান আরিফুল ইসলাম এর নামে উপজেলা নির্বাহী অফিসারের বাসভবনের গেট পরিবর্তন ও জলধারা নির্মাণ কাজের বিল বাবদ = ২,০০,০০০/-</p> <p>১৫। মোঃ আজিজুর রহমান ইউপি সদস্য দিঘলিয়া এর নামে উপজেলা পরিষদের ইঞ্জিনিয়ার অফিসের কয়েকটি রুমের টাইলস স্থাপন কাজের বিল বাবদ = ২,০০,০০০/-</p>	৬,১১,৬২৫/-

অতঃপর আর কোন আলোচ্য বিষয় না থাকায় উপস্থিত সদস্যবৃন্দকে ধন্যবাদ জানিয়ে সভার সমাপ্তি ঘোষণা করা হয়।

(শেখ মারুফুল ইসলাম)

চেয়ারম্যান

ও

সভাপতি

উপজেলা পরিষদ, দিঘলিয়া, খুলনা।

স্মারকনং-০৫.৪৪.৮৭২৫.০০১.১১.০১১.২০- ৬৭৬

তারিখ: ২৯.০৮.২০২২ খ্রি:

অনুলিপি: সদয় অবগতি ও প্রয়োজনীয় ব্যবস্থা গ্রহণের জন্য প্রেরণ করা হলো:

- ০১। বেগম মনুজান সুফিয়ান, মাননীয় সংসদ সদস্য- খুলনা-৩ ও মাননীয় প্রতিমন্ত্রী, শ্রম ও কর্মসংস্থান মন্ত্রণালয়
- ০২। জনাব আব্দুস সালাম মূর্শেদী, মাননীয় সংসদ সদস্য- খুলনা-৪, যুব ও ক্রীড়া এবং স্থানীয় সরকার, পল্লী উন্নয়ন ও সমবায় মন্ত্রণালয়ের স্থায়ী কমিটির সদস্য।
- ০৩। সচিব, স্থানীয় সরকার, পল্লী উন্নয়ন ও সমবায় মন্ত্রণালয়, স্থানীয় সরকার বিভাগ, বাংলাদেশ সচিবালয়, ঢাকা।
- ০৪। বিভাগীয় কমিশনার, খুলনা বিভাগ, খুলনা।
- ০৫। জেলা প্রশাসক, খুলনা।
- ০৬। চেয়ারম্যান, উপজেলা পরিষদ, দিঘলিয়া, খুলনা।
- ০৭। ভাইস চেয়ারম্যান/ভাইস চেয়ারম্যান মহিলা, উপজেলা পরিষদ, দিঘলিয়া, খুলনা।
- ০৮। উপজেলা কর্মকর্তা, দিঘলিয়া, খুলনা।
- ০৯। চেয়ারম্যান, ইউপি (সকল), দিঘলিয়া, খুলনা।
- ১০। জনাব সদস্য, উপজেলা পরিষদ সাধারণ সভা, দিঘলিয়া, খুলনা।

(মোঃ মাহবুবুল আলম)

উপজেলা নির্বাহী অফিসার

ও

মুখ্য নির্বাহী কর্মকর্তা

উপজেলা পরিষদ, দিঘলিয়া, খুলনা।

ফোন: ০৪১-৮৯০০০২